

1850 Diploma, Patriae filijs, denominandis, Stipendium Mille florenorum ita ordinatur, ut idem Stipendium Nulli unquam alteri, nisi Vice-Capitano Regni, per Banum denominando, eidemque patriae filio, valeat deservire.

(*Cacteris exmissis.*)

Originale in Archivo Regni Croatiae.

1767. MENSE JULIO. ZAGRABIAE.

Articuli Generalis, Anno 1767. 13. et sequentibus Mensis Julii diebus, Zagrabiae, celebratae Congregationis.

Acta et Articuli Inclytorum Dominorum Statuum et Ordinum Regnorum Dalmatiae, Croatiae et Slavoniae, in Generali eorundem, ex Edicto et sub Praesidio Excellentissimi et Illustrissimi Domini Comitis Francisci de Nadasd, eorundem Regnorum Dalmatiae, Croatiae et Slavoniae Bani (Tit.), 13. Julii, in Libera Regiaque Civitate Zagrabiensi, Anno 1767. Congregatione conclusi.

Articulus Primus.

De erigendo Novo Dicasterio Politico.

Facta per Dominum Prothonotarium, qua Viennam per II. DD. SS. et OO. Deputatum relatione, lectum est Suae Majestatis Sacratissimae de dato 7. Mensis Julii emanatum Rescriptum, quo mediante altefata Sua Majestas Benignam Suam, de erigendo Regio in his Regnis Consilio, Politico oeconomicorum et respective Militarium ad normam Consilii Locumtenentialis curam habituro, intentionem iisdem significare dignatur.

Benigni Rescripti tenor :

Maria Theresia, Dei Gratia Romanorum Imperatrix Vidua, ac Hungariae, Bohemiae, Dalmatiae, Croatiae, Slavoniaeque etc. Regina Apostolica, Archidux Austriae etc.

Reverendi, Honorabiles, Spectabiles ac Magnifici, Magnifici item Egregij et Nobiles, nec non Prudentes ac Circumspecti, fideles nobis dilecti. Ex quo inde a tempore suscepti Regiminis Nostri curas cogitationesque Nostras omnes eo defixissemus, ut Fidelium Subditorum Nostrorum commoda et Emolumenta, pro quibusvis temporis et occasionum circumstantijs omni possibili ratione procurare subindeque augere valeamus; Ideo nos grata etiamnum recolentes Memoria Fidelium Statuum et Ordinum Regnorum Nostrorum Dalmatiae, Croatiae et Slavoniae